



ATASSUT

UPA 2016/39-1

Siverth K. Heilmann

09. 05. 2016.

Aatsitassanut inatsimmiittup § 45c-p allannguutissaatut inatsimmik siunnersuummik kingusinnerpaamik UPA 2017 sioqqullugu saqqummeeqqullugit Naalackersuissut peqquneqarnissaannik aligoqqiit (diamant), aligut aappalaartut (rubin), safir, smaragd, chrysoberyl, kiisalu opal-it §§ 45-miit 45a-mut malittarisassat malillugit katersorneqarsinnaalersillugit.

(Inatsisartunut ilaasortaq Peter Olsen, Inuit Ataqatigiit)

Aallaqqaammut Inatsisartunut ilaasortaq Peter Olsen, Inuit Ataqatigiit, aalajangiiffigisassatut siunnersuuteqarneranut qutsavigissavatsigit, imatullu naatsumik ATASSUT-miit oqaaseqarfigissavarput.

ATASSUT-miit siunnersuuteqartuq isumaqatigilluinnarparput, nunaqavissut aatsitassarsiornermi akuulersinneqarnerussappata, massakut inatsisitigut periarfissaareersut iluanni naleqqussaanissaq saneqqunneqarsinnaangilaq. Innuttaasummi (ujarassiorit-mut) periarfissinneqarnertik atorluarlugu piffinni assigiinngitsuni nassaarineqartunut nassiussititsisoqartarpoq aammalu aatsitassaqarnermi Naalackersuisoqarfimmiit ajugaasunut akissarsitsitsisoqartarluni.

ATASSUT-miit eqqaasariikkatsinnut ilaavoq, inatsimmi § 45-mi eqqartorneqartumi nassaartoqarsimatillugu, nassaaq soorpiarnersoq ilisimanagu unioqqutitsisunngortitsisoorsinnaanerput. Ilisimasaqarpunga piffiit ilaanni, sermip aannerata kingunerisaanik soqutiginarluinnartunik nassaartoqartaleraneramik, inatsisittali massakut atuuttup akimmisaartitsinera pillugu apuusserusuttanngitsunik.

ATASSUT-miit siunnersuuteqartuq taperserparput, aatsitassaqarnermut inatsisitta naleqqussartariaqarneranik saqqummiussaqaqarnera pillugu, suliallu aappassaaneerneaqannginnermini ataatsitassaqaqarnermut ataatsimiititaliami suliareqqaarneqassasoq inassutigaarput.